

賦江樓詩話卷之一

上虞潘普恩少文編

胡右階觀察念修一字幼嘉別署壺盒其先世多詩人折衷

家學雅有心得與家大人訂車笠盟著息園舊德錄四家纂

文敘錄彙編問湘樓駢文風雅徵錄安定西齋治事稿國

朝駢體文家小傳晉書識小錄椒江札記捲秋亭詞詒癡閣

文俱已傳誦藝林奉若拱璧讀其靈芝仙館詩鈔更覺清新

俊逸不事雕琢是非大手筆不辦如與張黃樓觀察彬結伴

南下云接軫長安道同登李郭舟望洋談北海瞻部託南洲

自有彈冠遇何當叱馭謀澄清天下志雙楫擊中流輓舅父

尙書惲公云憂世頭全白思親淚尙紅艱難家國計移孝作

孤忠硯麓碑沈祐金塗塔造鏐 皇仁加錫類迎養許杭州
經武留遺疏丹心動 紫宸來持三月節去失萬家春懶板
思仙吏桐鄉葬惠人西州同巷哭豈獨痛私親謁南皮宮保
師云仲父威江左行臺鎮石頭遠人知太尉談士聚荊州日
愛靈巖館風薰文選樓傳經尊廣雅承蓋小山傳哭憚莒生
太守 毓華 云同學輕肥憐舊雨中年哀樂感晨星萬方多難
身偏死千載懷憂目不瞑詠哈密瓜云苜蓿西來博望厨蒲
桃夜醉柏梁壺不知沈李南皮宴也有瓜州碩果無爲王賡
雲觀察 祖慶 題扇云鷄鳴紫陌曉瀛洲汁染朝衣露未收回
首靈和殿前客當年張緒最風流謁李薊園方伯 有菜云送
舅方城國瞻公政事堂酒襟題漢上石鼓鎮岐陽繁露江淮

壯清霜籍湜僵西江詩派在東閣萬梅黃和友人湖上述懷
云玉局留琴操香山住小蠻兩隄留水老春夢六橋閒題陳
彝谷先生 元善 石欄觀魚圖云源遠瀧頭水高臺老客星流
風今不見遊日且忘形魚躍知濠濮峰青似洞庭狂瀾誰共
挽回首望山靈寄贈莊堅白太守 人寶 云獨憐板蕩忠臣志
空負途窮國士身未有先聲橫宦海何堪餘事作詩人

又泛舟青電湖觀賽會云五風十雨大麥黃蠶豆花開湖水
香一夜鶯聲千種囀乍晴天氣催條桑去年霽霖灌腴畝日
食無粟衣無裳共疑祈報逢直怒明神勿喜降殊殃今年賜
雨稱時若卜歲已兆盈倉箱祀事有舉莫敢廢况復呵護不
可忘自來設教重神道詔鬼孰如越俗長迢迢鑑湖八百里

誰其主者黃與張張公廟貌徧村市春秋祝禱豐蒸嘗黃公
聲靈更赫濯崇祠獨立青電旁青電之勝占一曲黃公之澤
被一方連朝忽動迎神鼓巫奔史走絜牛羊萬夫輟耨婦停
軸騰歡佳日鬪新粧閒人豈爲農時少桑者非因蠶月忙空
巷兒童皆襁負傾城士女更成行今吾放禁門都闕田隄襄
儀國若狂紈扇羅襦膩交錯東船西舫櫛相望鵬聲劃破玻
璃色雲氣涵虛青黛光須臾水嬉陳百戲魚龍漫衍集復翊
弄潮競渡好身手顧盼中洽揖我藏沸地笙歌花外轉浮天
旌旆鏡中颺從流且往遊忘返秉簡于胥樂未央旣而樓閣
搖鐙火靄景參差度夕陽裙屐暗移芝蓋影粉脂爭送板橋
芳可憐西郭門前路留與蘭橈細較量瑤艇先生旋邦族弋

林鈞清自徜徉盛名池館登臨倦適逢勝會滯征航陶寫不
隨絲竹韻溯洄翻在芷蘿鄉乘興而來歡觀止美哉民物洵
阜康試將文武弛張政藻繪先憂後樂場

合肥李可亭太守

靖國

工詩賦善法書乙巳冬以入都應賢

索詞曾填賀新郎卻寄明年余築風月雙吟樓告成以鳳凰
臺上憶吹簫一闋相答悱惻纏綿別饒風致知必深於情者
遂訂爲文字交近讀和晉人少瘦生遼東感事警句云浩浩
黔黎歸劫運巍巍華屋半沙場長白山高埋恨骨遼河血滿
咽悲聲假道儘堪亡虜國過殺又報覆秦師治策願陳天子
闕壯心欲褫可汗魂其愛國愛民之思想可見一斑他如贈
林愛香校書云奇香應是仙家種幻作人間解語花一串珠

喉歌未了柔魂銷盡冶遊人又話別云偏是馱鈴催去急尊
前真不殼纏綿幾許鞭韃心裏事一時兜的上眉端題箏樓
泣別圖云癡夢有情都是幻歡場無境不成空宴開藍尾愁
中酒曲譜紅牙笛裏腔明鏡已隨圓月破客魂應共斷雲飛
未必生離同死別早知今日悔當初一簾細雨催行色十里
輕烟入畫圖白水惟餘心可贈寒山還望骨同埋解除綺思
魔難遣逃入詩禪句懶裁去日苦多來日少別時容易見時
難繞砌卷葳終半死拂窗文竹易成斑天涯青鳥音書杳塵
世紅羊浩劫多枕邊盟訂同心蕙杯底人如解語花孤憤斫
殘三尺劍深衷鬱結九迴腸虛室盡從空際白殘鐙不改昔
時青身如梧井枯餘木心似蒲團定後僧天上有桃能種恨

人間無草可忘憂，霧鬢風鬟權寫照。高山流水絕知音，俱體貼入微英雄兒女。各標勝概，足見詩人之筆無所不可。

錢塘聞笠僧

之駿

僑寓清江浦，詩名噪一時。以性靈見長，題

余秋宵對奕圖云：茫茫大陸地，勝負爭未已。插足立其間，進退傷道否。別有憂時人，跼伏在鄉里。別有逃世心，繪圖寄尺咫。我羨君意高，展圖列斐几。隱約起層樓，巍然天外倚。環以短牆低，垂楊接迤邐。肩以雙扉堅，蒼苔隔雲水。不與世路通，桃源境差比。修竹影清鋪，碧梧陰秀峙。遠岸暮烟橫，熒熒鎧光起。照見樓中人，佳士與彼美。相對一楸枰，似非輕舉子。大局痛全輸，誤投鑿如彼。默揣奕者心，運籌思角抵。邊塞占宜先，腹心防母弛。短紙繪閒情，大道寓孔邇。欲學爛柯樵，千里

勞翹企濡筆快題辭憊然忘鄙俚高視闊步別有寄託自是
有心人也又贈余用韻秋弟韻兩截云貽來雙鯉道途長滿
紙珠璣唾咳揚最愛詩人清慧福樓頭風月借春償笑我生
成懶散師茫茫塵海悵何之願乘一舸錢塘去鄉夢迷離理
釣絲

其叔漱泉先生

傳

亦老於詩者寄余題吳温叟句湖歛春圖

五律兩章云春晝不知永清谿欲暮天放船隨活水晴茗煮
新泉月轉城陰直雲橫塔影圓歸途葭菼合暝色正蒼然句
湖圖在手游賞幾時同天地浮生外園林罽畫中常宜清暇
日高繼隱淪風便合移家住塵緣一笑空蒼古淡遠深得賈
孟之遺